



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

III. De eodem, & quod multum delinquit, qui fidem violat.

urn:nbn:de:hbz:466:1-15588

ANNO
 CHRISTI
 1179.

stitutus, nos consuluit, cui potius adhærere deberet. Quia vero nequaquam nobis innotuit, vtrum post fidem præstitam primam cognouerit: fraternitati tuæ, &c. quatenus rei veritatem diligenter inquiras, & si cognoueris quod primam post fidem datam cognouerit, ipsū cum ea facias remanere. Quod si post fidem datam eam non cognouerit, secundæ, nisi metu coactus, qui posset in quemlibet virum constantem cadere, eam desponsauerit, tamquam vxori facias adhærere.

22. q. 4. Inter cetera. Sed ibi iurauit, hic non.

CAP. II. *Idem eidem.*

Ex præsentium latoris confessione percepimus, quod cum ipse quamdam alterius vxorem in adulterio polluisset, pœnitentiam inde suscepit. Sed postea in eundem incidit, diabolo instigante, reatum, ac eandem mulierem, viro defuncto, sibi in matrimonium copulauit, eamque asserit in præsentem pro coniuge * retinere: Verum quoniam nos de salute animarum ipsorum solícite compellimur in Domino cogitare: fraternitati tuæ, &c. quatenus rem ipsam diligenter inquiras: & si tibi constiterit, quod ille vel illa in mortem prioris viri fuerit machinatus, vel si eo viuente fidem ipsi mulieri dederit, se eam in coniugem recepturum, eos non differas penitus separare. Quod si neutrum istorum constiterit, in causa ipsa iuxta ecclesiasticam consuetudinem & canonica statuta procedas.

* remanere:

CAP. III. *Idem eidem.*

Peruenit ad nos, quod quidam miles R. nomine, fide interposita, in multorum præsentia promisit se contracturum matrimonium cum quadam puella filia Eduuini de Baseleher: sed postmodum, licet ex ea prolem suscepit sicut ipse nobis asserit, fidem inde violare non timens, alteri adhæsit, & prædictam puellam quam dicitur deflorasse, in vxorem ducere contradicit. Quoniam igitur non modicum delinquit, qui fidem violare præsumit: discretionem vestræ, &c. quatenus rei veritatem diligenter inquiratis: & si vobis pro certo constiterit, præfatum militem prænominatam puellam in vxorem ducturum fide interposita promississe, & postmodum eam cognouisse, eundem militem monere studeatis, & diligenter inducere, vt

Concil. Tom. 27.

Tttt ij

memoratum puellam, omni appellatione & contradictione cessante, in uxorem ducat: vel si commonitionem vestram contempserit, & eam in uxorem ducere noluerit, vel alter vestrum, si vterque interesse non potest, illum sub districtione anathematis mandatum nostrum adimplere compellat.

CAP. IV. *Idem Lucensi episcopo.*

Sane consuluit nos tua discretio, quid faciendum sit de muliere, quæ post mortem viri sui, vestibus preciosis abiectis, mutavit habitum, & de manu * presbyteri velamen assumpsit, sed non renuntiavit propriis, nec intrauit claustrum, nec in manu episcopi, aut abbatis, aut abbatissæ, vel super altare est professæ, vel obedientiam promissit: postmodum vero anno elapso, cum multorum inquietudines ferre non posset, & lapsum incontinentiæ formidaret, abiecto religionis habitu, cuidam nobili sollemniter in facie ecclesiæ nupsit. Super hoc itaque consultationi tuæ taliter respondemus, quod sicut simplex votum matrimonium impedit contrahendum, sed non dirimit contractum: ita sine professione & priorum renuntiatione, habitus susceptio, ne contrahatur, impedit; sed consummatum nequaquam dissolvit.

CAP. V. *Idem Vintoniensi episcopo.*

Non sunt vna caro vir & mulier, nisi carnali copula cohererint: idcirco sponsa defuncta intacta, eius soror sponso hoc non impediente, libere ducitur in uxorem.

CAP. VI. *Lucius tertius * Capriano episcopo.*

Requisiuit a nobis fraternitas tua, qua censura mulier compelli debeat, quæ iurifurandi religione neglecta, nubere renuit cui se nupturam interposito iuramento firmavit. Quæsiuisti etiam, si cuius vir matris torum polluit, ad alia vota, cum filios desideret, viro possit viuente transire. Ad quod breuiter respondemus, quod mulier quæ se nupturam iuravit, cum libera debeant esse matrimonia, monenda est potius, quam cogenda, maxime cum coactiones huiusmodi difficiles exitus soleant frequenter habere. Illa sane, cuius vir cum matre adulterium & in-

Mulierem
quæ se nu-
pturam iu-
rauit, nube-
re non co-
gendam.